

Kick-off event di Expansion di ImSan

Dia 23 di april a duna inicio oficialmente cu e expansion di ImSan cu un kick-off event festivo. Tur stakeholders concerni a wordo invita pa e mainta ey pa ta presente na e presentacion di e renovacion di ImSan. Despues di un inauguracion espectacular habriendo un porta cu un mokel a yama tur hende bon bini den e futuro salanan di operacion. Akinan a pasa un film caminda por mira con ImSan lo keda despues di e renovacion. Bo por wak e film riba nos website:

<https://www.imsan.aw/>.

E prome reconstruccionnan ya ta visibel y algun oficina di e poli di wowo a muda pa otro espacio temporalmente. Tur empleado lo wordo teni al tanto di e desaroyonan pa medio di e boletín aki Nos Balor, como tambe via di e-mail y memonan.



Expansion di AFAS y a start cu Helpdesk



Dia 14 di februari a duna un presentacion na tur empleado relaciona cu e expansion di e funcionan di AFAS. Tambe a inaugura e Helpdesk di ImSan oficialmente. Desde februari ta posibel pa digitalisa tur combersacion entre e hefe y e empleadonan. Tambe a habri e "AFAS-booth", un Ipad unda e empleadonan sin computer por haci nan peticion pa vacacion (vakantie). E booth aki ta banda di Sandra su oficina.

Desde februari nos ta traha tambe cu e helpdesk, unda por hinca tur fayto riba tereno di IT, Techniek (mantencion y electronica medico). Via e-mail lo bo ricibi un notificacion con e ticket a keda tramita. Bo ta manda e ticket via <https://imsan.patientsafety.com>, unda cu tambe por notifica incidentenan (VIM) of keho.

Presentacion di diploma di enfermera di S.E.H.

Dia 15 di juni nos enfermeranan di S.E.H. Roxana Maduro y Milly Werleman a ricibi nan diploma. Casi dos aña Milly y Roxana a studia hopi duro y a core stage pa por a obtene e diploma aki. Nos ta hopi orguyoso di e dos enfermeranan aki y nos ta felicita nan di curason cu e bon resultado. Nos ta desea nan hopi éxito y nos ta spera cu nan lo pasa e conocimiento y experencia cu nan a haya mas tanto posibel na nan coleganan di S.E.H.. Na januari 2019 lo cuminsa cu e siguiente estudio di specialisacion di enfermera di S.E.H. y 4 enfermera di S.E.H. lo haya e oportunidad pa sigui e estudio aki.



Elisa Wout
Dietiste (15 di juni)



Cuminsa dia saludabel



Lectura di Xina Tromp



Bo tabata sa...

- Cu na Antesala bo por paga cu Carchi di ATM tambe?



Lunch saludabel traha door di e assistentnan

1 di juni Dia di ImSan



Hersengymnastiek organisa door di S.E.H.

Agenda trainingen

- **30 di Augustus**, Advanced Medical Life Support (AMLS) (8AM – 5PM)

Nos Balor

Nos kier pa 6 biaha pa aña pa medio di Nos Balor pone e empleadonan di ImSan na altura di tur cos cu ta tumando luga den ImSan. Lo duna splicacion di e temanan, tambe nos lo tene bosonan na altura di por ehempel e empleadonan nobo y regularmente nos lo pone e empleadonan y e departamentonan den spotlight.

Si bosonan tin pregunta, tin algo pa remarca of ideanan pa e boletin aki, nos tende nan cu mucho gusto: hilde.timmerman@imsan.aw, tel: 882